

Հաստատված է  
Հայաստանի պետական տնտեսագիտական  
համալսարան» ՊՈԱԿ գիտական խորհրդի  
2017 թվականի մարտի 17-ի նիստում,  
արձանագրություն N 7,  
գիտական խորհրդի նախագահ, ռեկտոր  
\_\_\_\_\_ Կ. Լ. Աթոյան  
«\_\_\_\_\_» \_\_\_\_\_ 2017 թ.

## ԿԱՆՈՆԱԿԱՐԳ

### ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ ՀԱՄԱԼՍԱՐԱՆԻ ՀԵՌԱԿԱ ՈՒՍՈՒՑՄԱՄԲ ՄԱԳԻՍՏՐԱՏՈՒՐԱՅԻ 2017-2018 ՈՒՍՈՒՄՆԱԿԱՆ ՏԱՐՎԱ ԸՆԴՈՒՆԵԼՈՒԹՅԱՆ

1. Սույն կանոնակարգի իրավական հիմքերն են՝ «Կրթության մասին», «Բարձրագույն և հետբուհական մասնագիտական կրթության մասին» ՀՀ օրենքները, ՀՀ կրթության և գիտության նախարարի կողմից հաստատված «ՀՀ բարձրագույն ուսումնական հաստատություններում մագիստրատուրայի ընդունելության և ուսուցման կարգը», ՀՊՏՀ կանոնադրությունը:

2. Հեռակա մագիստրատուրայում ուսուցումը իրականացվում է բացառապես վճարովի հիմունքներով:

3. ՀՊՏՀ հեռակա ուսուցմամբ մագիստրատուրա մրցութային կարգով կարող են ընդունվել ՀՀ պետական և ըստ մասնագիտությունների հավատարմագրված ոչ պետական բարձրագույն ուսումնական հաստատությունների առնվազն բակալավրի կամ դիպլոմավորված մասնագետի որակավորում ունեցող անձինք:

4. Մագիստրատուրայի ընդունելությունը (փաստաթղթերի ընդունում և քննությունների կազմակերպում) իրականացնելու նպատակով ձևավորվում է ընդունող հանձնաժողով՝ ռեկտորի նախագահությամբ: Քննությունների անցկացման համար ռեկտորի հրամանով ձևավորվում են առարկայական քննական

հանձնաժողովներ՝ համապատասխան մագիստրոսական ծրագրերն իրականացնող ամբիոնների վարիչների և ամբիոնների պրոֆեսորադասախոսական կազմի ներկայացուցիչների անդամակցությամբ:

5. Հեռակա մագիստրատուրայի ընդունելության և մրցույթի անցկացման կարգը. ՀՊՏՀ առկա և հեռակա բակալավրիատի տվյալ մասնագիտության շրջանավարտները հեռակա մագիստրատուրա կարող են ընդունվել առանց շեմային քննության՝ ըստ ՄՈԳ-երի.

- 1) «Կառավարում» մասնագիտությունից՝ «Գործարար վարչարարություն (կառավարում)» մասնագիտացմամբ.
- 2) «Ձեռնարկությունների տնտեսագիտություն և կառավարում» մասնագիտությունից՝ «Ձեռնարկատիրական գործունեություն» մասնագիտացմամբ.
- 3) «Միջազգային տնտեսական հարաբերություններ մասնագիտությունից՝ «Միջազգային տնտեսական հարաբերություններ» մասնագիտությամբ.
- 4) «Մակրոտնտեսական քաղաքականություն և կանխատեսում մասնագիտությունից՝ «Մակրոտնտեսական վերլուծություն» մասնագիտացմամբ.
- 5) «Մարքեթինգ» մասնագիտությունից՝ «Մարքեթինգային հետազոտություններ», «Մարքեթինգային հաղորդակցություններ» մասնագիտացումներով.
- 6) «Ֆինանսներ» մասնագիտությունից՝ «Հանրային ֆինանսներ», «Կորպորատիվ ֆինանսներ» մասնագիտացումներով.
- 7) «Տնտեսագիտական վերլուծություն» մասնագիտությունից՝ «Հաշվապահական հաշվառում», «Աուդիտ» մասնագիտացումներով.
- 8) «Կառավարման տեղեկատվական համակարգեր» մասնագիտությունից՝ «Կառավարման տեղեկատվական համակարգեր» մասնագիտությամբ:

«Հաշվապահական հաշվառում (ըստ ճյուղերի)», «Աուդիտ», «Ապահովագրական գործ», «Բանկային գործունեության կազմակերպում», «Պետական և մունիցիպալ կառավարում», «Զբոսաշրջության կառավարում», «Կոմերցիա», «Բիզնեսի կազմակերպում» մասնագիտություններով և

մասնագիտացումներով հեռակա մագիստրատուրա առանց շեմային քննության կարող են ընդունվել միայն բակալավրական համանուն մասնագիտության ՀՊՏՀ շրջանավարտները: Ընդունելությունը կատարվում է մրցութային հիմունքներով՝ ըստ դիմորդների ՄՈԳ-երի:

Դիմորդների հավասար ՄՈԳ-ի պարագայում առաջնահերթության կարգով հաշվի են առնվում հետևյալ լրացուցիչ չափանիշները՝

- գերազանցության դիպլոմի առկայությունը.
- ավարտական աշխատանքի պաշտպանությունից ստացած միավորը.
- մասնագիտական և մասնագիտացման առարկաներից ստացած միավորների գումարը:

Ոչ իրենց մասնագիտությամբ ՀՊՏՀ շրջանավարտների, ինչպես նաև այլ բուհերի շրջանավարտ-դիմորդների ընդունելությունը կատարվում է միայն տվյալ մասնագիտության ընդունելության շեմային քննության արդյունքներով՝ ըստ ՄՈԳ-երի: Առարկայական քննական հանձնաժողովների ներկայացրած արձանագրությունների հիման վրա իրականացվում է մրցութ՝ ըստ դիմորդների ՄՈԳ-երի: Ընդունելության վերաբերյալ որոշումը կայացնում է ընդունող հանձնաժողովը:

6. Դիմորդը շեմային քննություն է հանձնում իր կողմից հայտագրված մասնագիտության (մասնագիտությունների) և (կամ) մասնագիտացման (մասնագիտացումների) համար հետևյալ առարկաներից.

- 1) «Գործարար վարչարարություն (կառավարում)», «Պետական և մունիցիպալ կառավարում» մասնագիտացումների համար՝ «Մենեջմենթի հիմունքներ».
- 2) «Ձեռնարկատիրական գործունեություն» մասնագիտացման համար՝ «Ձեռնարկությունների տնտեսագիտություն և կառավարում».
- 3) «Միջազգային տնտեսական հարաբերություններ» մասնագիտության համար՝ «Միջազգային տնտեսական հարաբերություններ».
- 4) «Մակրոտնտեսական վերլուծություն» մասնագիտացման համար՝ «Մակրոտնտեսական կարգավորում».
- 5) «Մարքեթինգային հետազոտություններ», «Մարքեթինգային հաղորդակցություններ» մասնագիտացումների համար՝ «Մարքեթինգ»

- 6) «Հանրային ֆինանսներ», «Կորպորատիվ ֆինանսներ», մասնագիտացումների համար՝ «Ֆինանսներ».
- 7) «Հաշվապահական հաշվառում» մասնագիտության համար՝ «Հաշվապահական հաշվառում».
- 8) «Աուդիտ» մասնագիտացման համար՝ «Աուդիտ».
- 9) «Կառավարման տեղեկատվական համակարգեր» մասնագիտության համար՝ «Կառավարման տեղեկատվական համակարգեր».
- 10) «Ապահովագրական գործ» մասնագիտության համար՝ «Ապահովագրական գործ».
- 11) «Բանկային գործունեության կազմակերպում» մասնագիտացման համար՝ «Բանկային գործ».
- 12) «Զբոսաշրջության կառավարում» մասնագիտացման համար՝ «Զբոսաշրջության մենեջմենթ».
- 13) «Կոմերցիա» մասնագիտության համար՝ «Կոմերցիա».
- 14) «Բիզնեսի կազմակերպում» մասնագիտացման համար՝ «Բիզնեսի տնտեսագիտություն և պլանավորում»:

7. Դիմում-հայտում դիմորդը կարող է հայտագրել առավելագույնը 2 (երկու) մագիստրոսական ծրագիր՝ ըստ նախապատվության: Հայտում նշված առաջին ծրագրի չբացվելու կամ մրցույթից դուրս մնալու դեպքում դիմորդը մասնակցում է երկրորդ ծրագրի մրցույթին: Ծրագիրը չի բացվում, եթե ուսանողների թիվը չի համապատասխանում ՀՊՏՀ գիտական խորհրդի՝ 2016 թվականի հունիսի 22-ի N 9 նիստով սահմանված պահանջին: Եթե դիմորդը չի ընդունվում իր կողմից հայտագրված մասնագիտություններից (մասնագիտացումներից) որևէ մեկում, ապա ընդունող հանձնաժողովը կարող է նրան առաջարկել որևէ այլ մասնագիտություն, որտեղ առկա են թափուր տեղեր՝ տվյալ մասնագիտության շեմային քննությունը հանձնելու պայմանով:

8. Դիմորդները ներկայացնում են հետևյալ փաստաթղթերը՝

- 1) մագիստրատուրայի ընդունելության դիմում-հայտ (լրացվում է տեղում).

- 2) բարձրագույն կրթության դիպլոմի և նրա հավելվածի բնագրերն ու պատճենները.
- 3) անձնագրի բնօրինակը և պատճենը.
- 4) 2 լուսանկար (3x4 չափսի).
- 5) զինվորական գրքույկի (առկայության դեպքում) բնօրինակը և պատճենը:

9. Դիմորդների փաստաթղթերն ընդունվում են հունիսի 12-ից մինչև սեպտեմբերի 25-ը ներառյալ՝ ժամը 9:00-17:30: Շեմային քննությունը տեղի կունենա սեպտեմբերի 29-ին, ժամը 14:30-ին: Ընդունելության արդյունքները հրապարակվում են մինչև հոկտեմբերի 2-ը:

10. Հեռակա ուսուցման համակարգում մագիստրատուրա ընդունված դիմորդների վերջնական հրամանագրումը կատարվում է առաջին կիսամյակի ուսման վարձի վճարման թույլտվություն ստանալու պահից մեկ ամսվա ընթացքում՝ ուսման վարձը վճարելուց հետո: